



Nunavuttip Apqutikhaa **Apiqhuutauqattaliqpaktut Apiqqutit**

1. Huuq Nunavunmi upalungaiyaut aalangutqiyauva aalanin nunanin uvalu naunaiyautiqangituq naunaitumik apqutighamik angmaffaarnirmun?

Humi Kavamatkut Nunavunmi (GN), ataani uqautidjutaani haffuma Atanguyamin Inungnun Aanniaqtailinirmun Havaktimin (CPHO), aularutiyuq havauhikhaanik qanuq nakuutqiatigut ikiklivalialiqlugit pittailidjutit, ilituriyaqqut tamna Nunavunmi apqutaa ikiliyuuminirmik aktilaangit aalauniaqtuq aalanin nunanin. Kingulirmi malruk tatqighiutik pidjutigiyyaqqyt qanuriniit aalanguniaqtut qilamik hulidjutivullu ihuaqhariaqaqtut. Ihumagibluu, tungaviqarumayugut taffuminga kiudjutigiyaangini qilamik. Tautungnaqtumiklu naunaitumiklu Nunavunmiunun mikhaagun havauhiptigun niriugutiqaangitunik tapkua atulimaitunun aalanguqtirnikkut qanuriniit.

2. Hunat Nunavunmi aalanguutauyut?

- Anginiqhauyugut unghahikhtallu nunaqyuami, kitut pidjutiaqaqtut ayuqhautinik kiudjutinun qalagyuanirmun COVID-19.
- Inugiangnirit aanniaqtailinirmun (imaa amigaitut higaayuktut, inighailuqtut iglut), angikliyuumirutauyuq qayangnautinun hiamitirnimun ayungnarnirmik.
- Aviktungniit aviktuqhimayutullu ingitut, Nunavunmi ihumagiyaghaqaqtut huhimaniit talimani nunani tapkua ihariagiyavut aanniarnirmun nanminiqangnikullu aulanirmun, niqinik aquiqtungnirmun piyaangnirmunlu aalanun nunanun.

3. Qanuqtut Nunavunmi upalungaiyautaa havauhiqaa?

Uvani Imaruqtirvia 1, ukua CPHO aularutiniaqtut havauhikhaanik ikikliyuumiqlugit pittailidjutit Nunavunmi. Naunaiyaqhimaitumik humi attautit pittailidjutit taimaaqlugit, ukua GNkut piniaqtut upautidjutikhanik tapkua pidjutiaqaqtut kangiqhidjutiaqaqtunik, ihuaqtunik ihivriungnirit apqutighamun hivumut. Tamaat malruk havainik, ukua CPHOkut atuliqtaangniaqtait nutaangutqiat naunaiyautit hunat hulidjutait aviktuqhimayumi ilanganilu Kanatap, aalanguqtiriyaamingnik tapkua mighiyuumirutikhat qayangnautit Nunavunmiunun. Ukua CPHOkut ihumaliungniaqtut piyariaqaqtat iliffaaqlugit ikikliyuumiqlugilluuniin pittailidjutit, nutqangalaklutik ihivriuriangini, pipkalugiluuniin pinahuarutinik, kivgaqtuutinik hulidjutinunluuniin angmariangini.

4. Huuq Nunavunmi ihumaliuqqat aularutilutik haffuminga qanurinianik tungavikhamik?

Una qayangnaitqiaq hivumuurutikhaq ilitaridjutiaqhunilu aalani nunanun piqaqtut kiklikhanik niriurutikhaniklu tapkua ihuaqhaqtaulutik taimaaqtaulutikluuniin taimaali qayangnaut anginiqhaungman qanurinaluuniin aalanguqqat.



Nunavuttip Apqutikhaa **Apiqhuutauqattaliqpaktut Apiqqutit**

5. **Kitut nunat taimaaqtitauniaqtut hivulirmik?**

Ukua CPHOkut naunaiyariiqtait pittailidjutit mikiyut, qitqani, anginighailuuniin qayangnautait tamangnun qayangnautikkut aanniarutip unalu qayangnautikkut hiamitirniranun aanniarutip. Humi naunaiyaliraangata kitut pittailidjutit taimaaqlugit, aularutait taimaaqpiallugit pittailidjutit tapkua mikiyumik qayangnautiqaqtut Nunavunmiunun hivuliuniaqtut. Mikhiyumirmiiaqtut qayangnautaitigut qanuq pidjutiginiiaqtaat tigumidjutiqaqtut upalungaiyariangini piyaangini Nunavunmiun qayangnaiqhimayaangini.

6. **Kitut pidjutit ihumaliurutauniaqtut pittailidjutit taimaaqlugit?**

- Qanurinnia hiamitiqtup qalagyuarniq COVID-19 aviktuqhimayumi.
- Qanurinnia aviktuqhimayumi ihivriurutit amigaitilaangit.
- Tadja aanniaqtunik atuqtauyut pitaarningat.
- Hiamitirniq aanniaqtullu amigaitilaangit tingmivigiyauluaqtut nayugainun Kanatami (Nunatsiami, Albertami, Manitobami, Quebecmi Ontariomilu), hiamitirniania amigaitunun nayugainun Nunavunmi.
- Tadja naunaiyautait piinarialgit.
- Qauyihaidjutikhat qayangnarniinnik tamainnik maliqatquyauhimagayut.
- ***Inungnut aanniaqtailinikkut maliqatquyauhimagayut aullahimmarniaqtut munariyaulutik nakuunikkut atungnikkut, havautikhatigut ihumaliurutit, tautungnikullu.***

7. **Qanuqtut aktilaanga qayangnautip ihumaliurutauva?**

- Piqaqtuq amigaitunik pidjutinik tapkua ihumaliurutikhanik qayangnautainun:
- **Hivituniani aktuutihimagayut inungmut**: haniriikhimaghaarumik malruuk inuk qanitturiiktumik, taimaali aanniarut hiamitirniiaqtuq qitqani innuk.
- Aktungnirit: qanitturiik malruk inuk, ayungnangituq aanniarutigiliqlugu aanniarut.
- Nayugait: Aaniilirniq aanniarunmik mikitqiyayuyuk aktungnira pigumi hilami.
- Aannialiqaqtut: Inirnikhat inuulu aanniarutiqaqhimayut timait hakuikhimagayut aannialaqiyaaqtut imaalu hivuranaqtumik ayuqhautiqaqtaakhutik; nutaqqat ayuqhautiqaqalimaitqiyayuyut hiamitirilutik aanniarunmi COVID-19 Qalagyuarniq.

8. **Qakugu Nunavunmi angmaqtitauniaqat kigliinun pittailidjutit?**



Nunavuttip Apqutikhaa **Apiqhuutauqattaliqpaktut Apiqqutit**

Kapuutighaqanginirmun mamitirutikhaitumiklu haffumunga qalagyuangnirmun COVID-19 ukua kigliinun pittailidjutit aulahimaaqtut hivuliulutik hatumiarutit qalagyuarnirmun COVID-19 aviktuqhimayumun. Pivalliani qigliinun munaridjutit attauhiq kinguliuniaqtuq ihumagiyakhaq atungnirit tunihiyut taimaaqpalianirmun pittailidjutit aviktuqhimayumi.

9. Qanuqtut Nunavunmiun ikayungniaqqat?

Pittailidjutit taimaaqtaukpata Nunavunmiun hulilukaalirniaqtut tapkua aghuungnaqtut ingmingnun, aghuungnaqtuq huli aulahimaaqlugu atuqlugit hapkua qayangnautit:

- Tuhagtiktauvaglutit, upalungaikhialutit imaalu maliqalugit inungnut aanniaqtailinikkut uqaudjidjutait.
- Aullahimaaqtumik nakuuyumik halumanahuarlutit (algakkit halumalugit, aktuqtailulugik akkuliakkit, anniqkhaaqtarnikkut halumayumik, halummaqtiaqtarlugillu aktuqtauaqtarniit).
- Atuqhimaaglugu iqaiyangnikkut unghahiktialaq hilamiitkuvin (ilaungitunun iglungni).
- Aullahimaaqtumik avatingnik halummaqtirivaglutit imaalu igalangit annukhaarvikhait angmaqpaglugit inuqarnirmi havagvingnillu.
- Aihimalutin inungmihuiqlutit mihingnautiqaliruvit aaniangaliruvinlu.
- Aihimalutit hivuagut aaniangaliruvit mihingnautiqaliruviluuniit.
- Aturlutit akkuliangnut matukhamik inugiangnirmi inungnit ahiqpangalimaitkuvit
- Ikgililugit ihariagiyaungittunut tingmitikkut aullarvikhait hilataanit avikturnianit.
- Tamaita katimadjutit pulaarutilu kikliqarlugit.
- Ihivriurlugit imaalu qauyimalugit qayangnarniit ihariagiyaungittunik inugiangnirmi katimayunni